

ITER ANGLICUM,  
 REDITUMQUE IN TERRAS HÆREDITARIAS,  
 SERENISSIMO PRINCIPI AC DOMINO,  
 DOMINO  
**FRIDERICO AUGUSTO,**

DUCI SAXONIÆ, JULIACI, CLIVIÆ ET MON-  
 TIUM, ANGRÆ ET WESTPHALIÆ,  
 &c. &c. &c.

**PRINCIPI REGIO,**

ATQUE ELECTORATUS SAXONICI HÆREDI  
 PIO, FELICI, MAGNANIMO,  
 DOMINO NOSTRO LONGE CLEMENTISSIMO,

AUSPICIIS SECUNDISSIMIS SUSCIPIENDUM, PERAGENDUM,  
 ABSOLVENDUM,

HUMILLIMO ANIMO ET SUBJECTISSIMA DEVOTIONE  
 PRECABITUR

**WOLFFGANGUS ANDREAS FERBERUS,**  
 CYGNEA - MISNICUS,

JUVENIS PRÆSTANTISSIMUS, OPTIMÆQUE SPEI  
 FILIUS, UNICUS,

**VIRI**

PRÆNOBILISSIMI, AMPLISSIMI, CONSULTISSIMI,  
 PRUDENTISSIMI,

**DN. GEORGII FERBERI,**  
 JCTI CELEBERRIMI, CONSULIS PATRIÆ

CYGNÆ h. t. REGENTIS, REG. MAJ. POL. ET ELECT. SAX.  
 REDITUUM CENSUALIUM RECIPIENDORUM PRAEFECTI, LYCEI  
 ET ÆRARII ECCLESIASTICI INSPECTORIS,

DE OFFICIIS SINGULIS MERITISSIMI,  
 PARITERQUE PATRIÆ DISCESSURUS VALEDICET,  
 H. L. Q. C.

RESPONDENTE

**ERNESTO DIETERICO DE RYSSSEL.**

*HUJUS PIETATIS EXPLENDÆ CAUSA*

*CRASTINUS DIES 14. MAJÏ ANNI PRÆSENTIS 1715. CUM DICTUS SIT,*

**VENERANDOS DNN. INSPECTORES, PA-  
 TRONOS, FAUTORESQUE**

ERUDITÆ JUVENTUTIS

AD EAM CELEBRANDAM

PEROFFICIOSE INVITAT

**M. GEORGIUS ANDREAS Winbold / R.**

*CYGNÆ,*

TYPIS JOH. DAV. FRIDERICI.



**H**orrida tempestas, pulla caligine coeli,  
Sole novo cecidit: movit super Æthera Regnans  
Informes hiemes: Zephyris spirantibus, auræ  
Mollius ingeminant flatus: in lætius ora  
Nunc fingit natura parens: nunc purpureum ver  
Vernanti apricos convestit gramine colles:  
Nunc rident segetes: avium garritibus ulmus  
Perfonat, & florens pomis sese induit arbos:  
Cum strepera Triton toto ciet æquore concha  
Nympharumque domos, tempestatumque potentem  
Cymoethon, & qui tenebroso carcere frenat  
Luctantes ventos (prece sic Neptunia sceptrâ  
Flexerat Anglorum Tamesis pater) arva tenentem  
Æoliæ, & Portunne, tui moderamina regni,  
Brachia quæque alte sua porrigit, Amphitriten,  
Conciliumque vocat; mox confluxere vocati.

Tum sic Neptunus: Socii, charissima corda,  
Est in Celtarum procumbens Insula sede,  
Sequanæ ubi antiquam præterfluit alveus urbem,  
Lutetiam; Senones quondam, quos garrulus anser  
Prodiderat, fatum Romæ sine milite pugnans  
Dum vigilat pro gente sacra, tentoria late  
Fixerunt, patriamque illic sedesque locarunt,  
Illa alias specie tantum supereminet urbes,  
Quantum inter stellas dubia sub nocte minores  
Luna micat vultu croceo, si, fratre retuso,  
Sidereas acies præstrinxerit æmulus ignis.  
Hic nemus Elysium, texens umbracula lassis  
Corporibusque animisque patet, viridansque voluptas  
Capripedes Satyri cum montivagis Sylvanis,  
Inmixtis Dryadumque choris Faunisque Jocisque,  
Saltu luxuriant, & rustica Numina Panes,  
Et vitrea artifices Nymphæ lusere sub umbra.  
Hic Flora auricomis se floribus ornat, honestam

Pube-

Pubescens quoties decoravit purpura frontem:  
Alma Ceres flavis crines redimita coronis,  
Divitiis opulenta suis, ampla horrea complet,  
Hic Musæ Charitesque habitant, Præseseque Dearum  
Panchæo Phœbus Parnassum spargit odore,  
Pegaseo irrorans Permessi fonte sorores.  
Hic myrtum plantat Venus, & Lenæus Jacchus  
Pocula maturis Carchesia miscuit uvis.  
Mars quoque fulmineus fremit horridus ore cruento,  
Saxa facesque crepans. Armis Dictynna nec ipsa  
Languet fessâ, suos quin impigra suscitât arcus  
Letiferos, aptatque suo venabula ferro.

Huc Princeps, animis nubes & fidera vincens,  
Saxo per duros aditus rupesque fragrosas  
E patria Italiam versus, vicinaque longe  
Mœnia, flos Juvenum, spes & certissima gentis  
Saxonica, Vitekinde, tuo de sanguine sanguis,  
**AUGUSTUS FEDERICUS** iit. Federicus in uno  
Grandi deposito coeli terna omina jungit  
Belligeri, Placidi, Sapientis, o inclÿta avorum  
Prodigia Heroum, quorum fulgentia Olympo  
Sidera jamdudum stupuit mirata vetustas:  
Posteritas nec lustra unquam ventura filebunt.  
Augustum spirat nulli pietate secundum,  
Felicem, Augustum, mitem. Sic induit ipsum  
Mente Patrem Magnum, magno ceu nomine præfert  
Sorte pari, lumenque capit de lumine lumen,  
Regalique decus sub majestâte verendum  
Paulatim agnoscit, sceptris regnantibus æquus.  
Haud aquilæ penna generant trepidante columbam,  
Nec timidis damis infunditur ira leonum,  
Urforumve furor; refugo qui lumine torquet  
Degeneres oculos retrorsum, luce magistra,  
Ira ferit, laniatque nocentibus ignibus ollum.

Ac veluti plastes veros imitantia vultus  
Vivaceſque oculos & ſigna loquentia frontem  
Arte parat, redditque catus pingentia formæ  
Ora ſuæ: ſic noſtra duo miracula mentem  
Æqualem effingunt ſtudiis, ſenſuſque Deorum.  
O divos genios! quos vexit ad æthera virtus:  
Ignea vis illis animi & cœleſtis origo.

Gallica, ceu perhibent, tellus huic riſit & aër,  
Ridentis caſtæ nemus ambroſiamque virentem  
Obtulit hoſpicio tandem venientis. At arbor  
Fronde nova viruit, dum fronte viſcere cernit  
Heroëm juvenem. Labentibus irrigat undis  
Anfractus Pomona ſuos ſtudioſior omni  
Inter Hamadryades, quo divite copia cornu  
Deſluit in medium. Tumuit de palmite gemma  
Lætior, effuſos hedera neſtente corymbos,  
Saxonicas ex quo facies ſpectare licebat.  
Haud mihi contendat quiſquam præponere Thebas,  
Aut Rhodopen; vaſtos teſtudine ducere muros  
Amphion potuit: traxit Rhodopeius heros,  
Threïcia fretus cithara fidibusque canoris.  
Quercus atque feras raptasque e montibus ornos,  
Saxaque Biſtoniis abruptis ſedibus: Hebrus,  
Ut rigido glacies Borea conſtricta, pependit.  
Heic patet in laudes Auguſti Saxonis ultro  
Ac profert natura ſuas ſpe divite vires,  
Occurſura novo Domino. Nam blandius ipſum,  
Teutonicæ ſtirpis ſobolem, Ludovice Monarcha,  
Quam pro more, ſinu complecteris hoſpice Rege  
Gallorum, fama dudum ſuper æthera noto,  
Dignum, quem tanti comitetur gratia Regis.  
Jam ſatis umbriferas Princeps ſocio agmine valles  
Et campos, ubi Floranitet, ſylvaſque comantes  
Viderat, & populos vitæ moderamine claros,

Quos

Quos Rhodanus præcepſ, Araris quos lenior ambit,  
Quos rigat & paſſim diffuſos unda Garumnæ.  
Jam toties Diana choros exercuit, arcumque  
Ipſa humeris de moreabilem ſuſpenderit: euntem  
Saltibus in niveis glomerantur Oreades, ingens  
Turba miniſtrorum venantum & odora canum viſ,  
Spumantes ſeu ſtravit apros, capreasve fugaces,  
Jam ſatis indulgens ſpiraverat aura favoris  
Criſtatos inter Proceres gentemque comatam.  
Sedibus & Rex ipſe ſuis tenuiſſet alumnum,  
Quicum Neſtoreos mallet ſuperare per annos,  
Ni, quæ cuncta regunt, alio fata alta vocarent,  
Cum primum vento clementi bruma remitti,  
Et juga nudari cœperunt tecta pruinis.  
Oceani certum eſt non explorata Britanni  
Murmura, fulgentes antiquis laudibus Anglos  
Viſere, nec canæ incuſſerunt antra timorem  
Tethyos, aut Pontus, loca foeta furentibus Euris.

Quare agite, o Socii, mecum confidite tranſtris,  
Æole, qui ventos, tempeſtatesque coërces,  
Molli animos præſens: iras compeſce tuorum  
Arbiter, haud ullus turbans nos terreat Auſter,  
Non Aquilo dira tollat vada cærule fauce:  
Fulgida non ulli condant mihi fidera Cauri.  
Cymothoë, nulli rapiant ad littora fluctus,  
Quæ vehit ætherium pignus præcincta phaſelus  
Nautarum agminibus, ne turbine forte tremiſcat  
Accipiens adverſam hiemem rimisque fatiſcat,  
Præſideat Zephyris ſtridentibus Amphitrite:  
Navis iter præeat ſollers, curſumque miniſtret:  
Vela ferat, flexuque vigil det lora ſecundo.  
Obſtrepat horrendum nil, pacato æquore, Nereu.  
Tuque juva, Portune, Tuasque expande cavernas:  
PRINCEPS SAXO VENIT; fas eſt vigilare; propinquet

Lit-

Littoribus placide, placida potiatur arena.

Dixerat hæc gnatus Saturnius; ilicet omnes  
Incubuere mari, posuerunt æquora fluctus,  
Halcyones undas sternunt, creberque procellis  
Africus & placido siluerunt marmore tonsæ.  
Nam pelagi rector navem levat ipse Tridenti,  
Scyllæam claudens rabiem, rapidamque Charybdin.  
Tum cæcas arcet Syrtes scopulosque dolosos:  
Vela trahunt auræ: turgescunt carbasa flatu:  
Lucida quin fratres Helenæ, duo sidera malo  
Emicuerunt, faces albæ ducentia fortis.  
It ratis, & blando testatur gaudia motu,  
Flectit iter velis: portu succedit amico:  
Nec mora, sperata tandem potiuntur arena.

Festa dies, optata dies, si quam tulit ulla  
Lux, vel Erythræis nunc inscribenda lapillis!  
O mihi delicias inter numeranda suaves!  
Drymo ait. At Xanthoque Ligæaque Phyllodoceque  
Votivam grata suspendunt mente tabellam  
Neptuno, Pario signantes marmore carmen:  
HUC. HOSPES. SAXO. COELO. ADSPIRANTE. BENIGNO.

COELICOLIM. TOTA. VECTUS. COMITANTE. CATERVA.  
Ecce autem interea, (visu mirabile) virgo  
Luminibus nostris subito sese obtulit ortu,  
Bellatrix. Qualis celeri Saturnia cursu  
Percurrit purum pavonibus aëra pictis:  
Aut super Idalium tenues Cytherea per auras,  
Enthea dum residet, Cygneis evolat alis:  
Aut belli studiosa velut Tritonia Pallas  
Loricam costis aptat, laxosque coercens  
Mordet gemma sinus; tum tristi lumina visu  
Gorgone torva micant, torvis lambentibus hydriis  
Terribilem clypeum, mira quem Mulciber arte  
Cuderat, ignitus calidis fornacibus Ætnæ.

Anglia

Anglia non latuit, circumtulit Anglia vultus,  
Quos præfert Regina potens terræque marisque:  
Emicat ex oculis rutilum jubar: infuper altis  
Incedebat ovans & formidanda quadrigis:  
Lutea Pactoli spumis tria lilia florent,  
Ac totidem Leopardorum gens aurea furgit:  
Obsedit lævum Leo trux, formatus in auro:  
Luditur ære Lyra, spirans meliore metallo.  
Portubus ingreditur circumvallata profundis  
Anglia, balænanique premebat ventre Palæmon.

Vix dedit amplexus atque oscula dulcia fixit,  
Læta sub adventum Domini; mox ore profatur:  
Afferte Eoos ditantia Cinnama lucos:  
Portate Assyrios, Arabum portate liquores:  
Nunc animis subeant fatalia nomina nostris  
Hengisti ac Horsti, ter fausto fidere nota.  
Ducitur ad Regem, Procerum stipante corona,  
Delapsum in terras coelesti dote, Britannum,  
Axem humeris Atlas dio qui robore mentis  
Sustinet, ætheriaque **GEORGIUS** arte gubernat.


Dumque ita Regis amor; Princeps charissime, Patris  
Foedere pæpetuo nexi mecum, altera imago;  
Majugena extemplo pedibus talaria subdit,  
Mifnidos & volitans oris circumstetit ales,  
Lætitiæ (festinat enim decurrere præceps)  
Candidus interpres, ut iter, totusque meatus  
Auspiciis actus felicibus, utque rediret  
In patriam Princeps votis cumulatus eisdem  
Saxonidum, pelagi superatis mille periclis;  
Dum prius invifat fedes quoque, Belgica mater,  
Ore Tuas, partosque Tibi, gens magna, triumphos  
Didita magnifico quam vectat gloria curru,  
Gloria fusa polis, omni memorabilis ævo,  
Per maris ambages Atlanteosque recessus,  
Qua patet & tellus, stellati & machina cœli,

Lit-

110 1576 II X 333107A  
Littora, Belga, repleb sub utroque jacentia Phœbo,

Vix bene defierat præco, Cyllenia proles,  
Saxonia hæc sancto depromit pectore vota:  
Spargite nunc, cives, fumantia dona per auras:  
Aræ stent centum, fumantes thure Sabæo:  
Spargite humum foliis: nostra cadet hostia dextra:  
Ducere non pigeat vel devotas Hecatombas  
Supremo rerum Domino: volvatur in altum  
Permissus precibus nulla fuligine fumus:  
Ascendat vapor ad convexa palatia cœli:  
Tangat odor nares atque atria celsa Tonantis.  
Quis valeat celebrare fatis Magnalia Magni,  
Qui regit imperiis circumflua regna per orbem:  
Vertice qui summo sapiens moderatur Olympum:  
Cujus & e nutu semper mortalia pendent?  
Tu vero, stirps rara, redi, patriosque Penates  
Exhilara splendore novo: Tibi tempora nostra,  
Quicquid habent pulchri, Tibi lactea lilia plenis  
Fragrantes fundant calathis spiramine odores:  
Corticæ glandiferæ manent opobalsama quercus:  
Massica depressis progerminet uva myricis:  
Mella ferant duræ filices, rubus asper amomum:  
Et quocunque meas, rosa tincta cruore tumescat,  
Atque utinam immites posses contemnere Parcas,  
Nec vitæ rumpat properantia stamina Clotho!  
O si Te nunquam tristi Libitina sepulchro  
Conderet, aut tegetet ferales urna cupressos!  
Non videam obscuris cœlum nigrescere nimbis,  
Non mihi Phœbeum nox tolleret atra colorem!

Audit hos gemitus Pater altitonantis Olympi,  
Audit; & vario Thaumantias ore refulgens,  
Imbribus amotis, nitido splendescit amictu;  
Solque salutifera lustravit lampade terras  
Undique discussis nebulis. Plausere cohortes,  
Et spes Saxoniam multat per secula gentem.





**ITER ANGLICUM,**  
REDITUMQUE IN TERRAS HÆREDITARIAS,  
SERENISSIMO PRINCIPI AC DOMINO,  
**DOMINO**  
**FRIDERICO AUGUSTO,**

DUCI SAXONIÆ, JULIACI, CLIVIÆ ET MON-  
TIUM, ANGRÆ ET WESTPHALIÆ,  
&c. &c. &c.

**PRINCIPI REGIO,**

ATQUE ELECTORATUS SAXONICI HÆREDI  
PIO, FELICI, MAGNANIMO,  
DOMINO NOSTRO LONGE CLEMENTISSIMO,

ATSPICIUS SECUNDISSIMIS SUSCIPIENDUM, PERAGENDUM,

ABSOLVENDUM,

IMO ANIMO ET SUBJECTISSIMA DEVOTIONE  
PRECABITUR

**ANGUS ANDREAS FERBERUS,**

CYGNEA - MISNICUS,

PRÆSTANTISSIMUS, OPTIMÆQUE SPEI

FILIUS, UNICUS,

**VIRI**

LISSIMI, AMPLISSIMI, CONSULTISSIMI,  
PRUDENTISSIMI,

**GEORGII FERBERI,**

EBERRIMI, CONSULIS PATRIÆ

REGENTIS, REG. MAJ. POL. ET ELECT. SAX.

NSUALIUM RECIPIENDORUM PRAEFECTI, LYCEI

ET ÆRARIÏ ECCLESIASTICI INSPECTORIS,

E OFFICIÏ SINGULIS MERITISSIMI,

QUE PATRIÆ DISCESSURUS VALEDICET,

*H. L. Q. C.*

RESPONDENTE

ESTO DIETERICO DE RYSELL.

PIETATIS EXPLENDÆ CAUSA

IES 14. MAJÏ ANNI PRÆSENTIS 1715. CUM DICTUS SIT,

NDOS DNN. INSPECTORES, PA-

RONOS, FAUTORESque

ERUDITÆ JUVENTUTIS

AD EAM CELEBRANDAM

PEROFFICIOSE INVITAT

**GEORGIUS ANDREAS Vinhold / R.**

*CYGNEÆ,*

TYPIS JOH. DAV. FRIDERICI.

